



# PRESIDÊNCIA DA REPÚBLICA

Servisu Komunikaun Sosiál

## BOLETÍN INFORMATIVU Juñu 2024

### [Prezidente Ramos-Horta Hala'o Enkontru Kortejia Ida Ho Prezidente Singapura no Primeiru-Ministru Singapura](#)

Singapura, 01 Juñu 2024. Prezidente J. Ramos-Horta, hala'o sorumutu nivel aas ho Prezidente Tharman Shanmugaratna no Primeiru-Ministru Lawrence Wong husi Singapura, ho objetivu atu hametin relasaun bilaterál sira no diskute kona-ba Timor-Leste nia proposta atu tama ba ASEAN. Sorumutu sira-ne'e kobre área kooperasaun oin-oin entre nasaun rua ne'ebé eziste ona, inklui investimentu, ekonomia, setór saúde, edukasaun no relasaun bilaterál sira en jerál.

### [Prezidente Ramos-Horta Husu Ba Dame No Prevene Konflitu Iha Simeira Seguransa Ázia](#)

Singapura, 1 Juñu 2024. Iha Nia diskursu ba Dialógu Simeira Seguransa Shangri-La, Prezidente J. Ramos-Horta selebra Timor-Leste ne'ebé moris iha dame ho viziñu sira hanesan Indonézia no Australia. Maski nune'e, nia hato'o ninia preokupasaun maka'as kona-ba funu katastrofiku sira ne'ebé akontese iha fatin sira hanesan Myanmar, Gaza, Ukrania, Afeganistaun no Sudan.

Haree Diskursu Kompletu Iha Link Tuir Mai: <https://presidenciarepublica.tl/remarks-by-j-ramos-horta/>

### [Prezidente Repúblika Enkontru Ho Delegasaun Vatikanu](#)

Palásiu Prezidensiál Nicolau Lobato, 02 Juñu 2024. Prezidente Repúblika, J. Ramos-Horta, simu audénsia husi delegasaun vatikanu hamutuk na'in 16 ne'ebé xefia husi Mgr. George Jacob Koovakad hodi ko'alia kona-bá Preparasaun sira relasiona ho vizita Sua Santidade, Papa Francisco mai Timor-Leste iha fulan-setembru tinan ne'e.

### [Prezidente Ramos-Horta Partisipa Iha Serimónia Asina Akordu Hari'i Muzeu Ba Tais Iha Oe-Cusse](#)

Oe-Cusse, 4 Junu, 2024. Prezidente J. Ramos-Horta halo viajen ba Oe-Cusse iha tersa-feira hodi sai testemuña asinatura Memorandu Entendimentu entre ONG Timor Aid no governu lokál Autoridade RAEOA hodi harii muzeu ida hodi prezerva rejiaun ne'e nia textíl tradisionál Tais.

### [PM Xanana Gusmão Informa Servisu Governu ba PR Ramos-Horta](#)

Palásiu Prezidensiál Nicolau Lobato, 06 Juñu 2024. Prezidente Repúblika, J. Ramos-Horta simu audénsia semanál husi Xefe Governu, Kay Rala Xanana Gusmão hodi apresenta servsiu governu nian iha semana rua ikus ne'e. Xefe Governu apresenta katak, iha semana rua liubá, partisipa no sai oradór iha forum Internasionál "Word Water Forum" ba da-10 ho tema "Bee no Pás" iha Bali (Indonézia) iha ne'ebé Xanana konsidera problema bee-moos sai ameasa ba pás no estabilidade internasionál.

### [PJR Apresenta Relatóriu Anuál ba Xefe Estadu Ramos-Horta](#)

Palásiu Prezidensiál Nicolau Lobato, 06 Juñu 2024. Xefe Estadu, J. Ramos-Horta, simu apresentasaun relatóriu anuál 2023 husi Prokuradór Jerál Repúblika (PJR) inklui atividade Ministériu Públiku, husi Prokuradór Jerál, Alfonso Lopez.

### [Asinatura MoU Hodi Lansa Programa 'Ai-Han Timor' atu Hakbi'it Ekonomia Feto](#)

Palásiu Prezidensiál Nicolau Lobato, 6 Juñu, 2024. Prezidente J. Ramos-Horta sai sasin ba serimónia asinatura Memorandu Entendimentu ida-ne'ebé asina ohin iha Palásiu Prezidensiál Nicolau Lobato, hodi ofisialmente lansar programa 'Ai-Han Timor' ho objetivu atu fó kbiit ba empreza ki'ik ne'ebé hala'o husi feto sira iha Timor-Leste.

### [Prezidente Hasoru Malu Ho Vise-Primeiru-Ministru Kona-Ba Preparasaun Vizita Papa Mai Timor-Leste](#)

Dili, 8 Juñu 2024. Prezidente J. Ramos-Horta, akompanha husi Chefe Casa Cívil Jesuína Maria Ferreira Gomes hasoru malu ho Vise-Primeiru-Ministru, Ministru Koordenadór Asuntu Ekonómiku no Ministru Turismu no Ambiente Francisco Kalbuadi Lay iha sorumutu urjente ida hodi diskute kona-ba programa promosaun turizmu ne'ebé relasiona ho vizita ne'ebé atu mai husi Papa Francisco mai Timor-Leste husi loron 9-11 fulan-setembru tinan 2024.

### [Prezidente Ramos-Horta Ko'alia Ho Jornalista Destakadu Sira Kona-Ba Timor-Leste Nia Prioridade Sira](#)

Palásiu Prezidensiál Nicolau Lobato, 7 Juñu 2024. Prezidente J. Ramos-Horta hala'o enkontru ho Jornalista destacadu ba Palásiu Prezidensiál, hodi esplika Timor-Leste nian prioridade no pozisaun prinsipál sira ba jornalista nasional sira ne'e.

### [Prezidente J. Ramos-Horta Enkontru Ho Ministra Justisa Portugal Nian](#)

Palásiu Prezidensiál Nicolau Lobato, 7 Juñu 2024. Prezidente J. Ramos-Horta hasoru malu ho Ministra Justisa Portugal nian, Rita Alarcão Júdice, iha Palásiu Prezidensiál Nicolau Lobato. Sorumutu ne'e marka ho troka hanoin no kompromisu hamutuk hodi hametin ligasaun entre nasaun rua ne'e.

### [Prezidente Ramos-Horta Partisipa Iha Komemorasaun Loron Portugal, Camões no Komunidade Portuguesa](#)

Liquiça, 8 Juñu 2024. Prezidente J. Ramos-Horta partisipa iha selebrasaun Loron Portugal, Camões no Komunidade Portugeza iha Liquiça, hamutuk ho Ministra Justisa Portugeza, Rita Júdice. Eventu ne'e marka ho diskursu ne'ebé ho laran duni no foka maka'as liu ba relasaun kulturál no istória entre Timor-Leste no Portugal. Prezidente Ramos-Horta hatete katak "Atu ko'alia kona-ba relasaun kulturál entre Timor no Portugal mak atu ko'alia husi fuan laran," hodi ko'alia kona-ba ligasaun emosional ne'ebé nasaun rua ne'e fahe ba malu.

### [Prezidente Ramos-Horta Simu Parceria Ba Kréditu Karbonu Hanesan Dalan Ba Dezenvolvimentu Sustentavel](#)

Palásiu Prezidensiál Nicolau Lobato, 10 Juñu, 2024. Prezidente J. Ramos-Horta ohin simu investidór boot ida husi kompañia Xina Shanghai Treasure Carbon Enerjia Foun ba Tékniku Protesaun Ambiente Co., Ltd (STC) atu dezenvolve projetu kréditu karbonu iha Timor-Leste, hodi fó oportunidade atu promove kreximentu ekonómiku sustentavel no hasoru mudansa klimatika.

### [Xefe Estadu Ramos-Horta Husu Embaixadór Timor-Leste Ba Malázia Atu Hametin Kooperasaun](#)

Palásiu Prezidensiál Nicolau Lobato, 10 Juñu 2024. Xefe Estadu, J. Ramos-Horta, husu embaixadór foun Timor-Leste ba Malázia, Lizualdo Gaspar, atu hametin liután kooperasaun bilateral entre nasaun rua ne'e.

### [Prezidente Ramos-Horta Kondekora Adjunta-Embaixadora Austrália Nian Mai Timor-Leste](#)

Palásiu Prezidensiál Nicolau Lobato, 10 Juñu 2024. Prezidente J. Ramos-Horta kondekora ordem Timor-Leste nian iha kategoria Medalla ba Adjunta Embaixadora Austrália nian, Suzanne Wilson-Uilelea,

hodi rekoñese ninia servisu dedikadu no kontribuisaun boot hodi hametin parseria bilaterál entre Timor-Leste no Austrália ne'e hala'o iha Palásiu Prezidensiál Nicolau Lobato.

### [Prezidente Ramos-Horta Hasoru Malu Ho Embaixadór Finlandia Nian Iha Timor-Leste Hodi Explora Liután Kooperasaun](#)

Palásiu Prezidensiál Nicolau Lobato, 11 June, 2024. Prezidente J. Ramos-Horta hasoru malu ho Embaixadór naun-rezidente Finlandia nian iha Timor-Leste, Pakka Kailhilahti, iha Palásiu Prezidensiál Nicolau Lobato ohin. Iha entrevista hafoin enkontru ne'e, Embaixadór Kailhilahti hateten katak sira troka sira-nia hanoin kona-ba asuntu no situasaun globál sira ne'ebé daudaun ne'e akontese.

### [Xefe Estadu Ramos-Horta Simu Atualizasaun Servisu MNEK Husi Bendito Freitas](#)

Palásiu Prezidensiál Nicolau Lobato, 12 Juñu 2024. Xefe Estadu, J. Ramos-Horta simu atualizasaun servisu durante fulan lima ikus nian husi Ministru Negósiu Estranjeiru no Kooperasaun (MNEK), Bendito dos Santos Freitas.

### [Komunikadu Imprensa Konjunta - Prezidente Timor-Leste Simu Vizita Dahuluk Husi Vise Primeiru-Ministru No Ministru Negósius Estranjeirus Nova Zelândia Mai Timor-Leste](#)

Dili, 12 Juñu 2024. Prezidente Repúblika Timor-Leste no Laureadu Nobel ba Pás J. Ramos-Horta hala'o sorumutuk ho Vise-Primeiru-Ministru Nova Zelândia no Ministru Negósius Estranjeirus, Winston Peters, iha Palásiu Prezidensiál Nicolau Lobato. Ida ne'e nu'udar vizita dahuluk husi Vise-Primeiru-Ministru Nova Zelândia nian mai Timor-Leste.

### [Prezidente Ramos-Horta Fó Benvindu ba Investidór Sira iha Konferénsia Emprezariál Timor-Leste-Austrália](#)

Dili, 12 Juñu 2024. Prezidente J. Ramos-Horta hato'o benvindu ba Australianu no konvidadu internasionál sira seluk ne'ebé partisipa iha Konferénsia Ekonómika no Negósiu Timor-Leste no Austrália. Nia hato'o nia apresiasaun ba investidór sira ne'ebé marka tempu naruk hanesan Sakib Awan ne'ebé hala'o ona negósiu iha Timor-Leste durante tinan 20 liu maske hasoru dezafiu barak.

### [Prezidente Repúblika Partisipa Serimónia Kulturál Loron Santu António Iha Manatuto](#)

Manatuto, 13 Juñu 2024. Prezidente J. Ramos-Horta partisipa iha serimónia kulturál iha okaziaun selebrasaun Loron Santu António nian, iha Igreja Parókia Santo António Manatuto.

### [Prezidente Ramos-Horta Partisipa Iha Selebrasaun Loron Independénsia Filipina Ho Komunidade Filipina Iha Timor-Leste](#)

Dili, 13 Juñu 2024. Prezidente J. Ramos-Horta hamutuk ho Embaixada Filipina iha Dili hodi komemora Loron Independénsia Filipina ba dala 126. Rezepsaun ne'e halibur ema Filipina sira ne'ebé hela no servisu iha Timor-Leste hodi selebra sira-nia loron nasional. Iha ninia diskursu, Prezidente Ramos-Horta hato'o parabéns boot ba Filipina no comunidade Filipina hotu iha Timor-Leste no iha mundu tomak. Nia konta istória iha ninia moris kona-ba vizita oioin ne'ebé nia halo ba rai-Filipinas durante tinan barak.

### [Prezidente Ramos-Horta Apoiu Komunidade Vulneravel Sira Iha Ermera No Ainaro](#)

Ermera & Ainaro, 17 Juñu 2024. Prezidente J. Ramos-Horta foin lalais ne'e vizita munisípiu Ermera no Ainaro nu'udar parte husi nia agenda regulár atu fó assisténsia direta ba comunidade vulneravel sira iha nasaun laran tomak.

### [Prezidente Ramos-Horta Realiza Palestra Prezidensiál 2024 Seria Da-III Kona-ba Diversifikasaun Ekonómika ba Dezenvolvimentu Sustentável](#)

Dili, 18 Juñu 2024 . Prezidente no Lauriadu Nobel ba Pás, J. Ramos-Horta , realiza Palestra Prezidensiál 2024 serie da-III kona-ba "Diverifikasaun Ekonómika ba Dezenvolvimentu Sustentável," iha Ministériu

---

Negósiu Estranjeiru no Kooperasaun. Prezidente hato'o diskursu importante ida-ne'ebé hatudu importánsia husi diversifikasaun ekonómika hodi alkansa dezentvolvimentu sustentável ba Timor-Leste.

#### [Prezidente Ramos-Horta Hasoru Malu Ho Ministra Negósiu Estranjeiru Pro-Demokrasia Myanmar Nian](#)

Palásiu Prezidensiál Nicolau Lobato, 18 Juñu 2024. Prezidente Repúblika, J. Ramos-Horta ohin hasoru malu ho Daw Zin Mar Aung, Ministra Negósiu Estranjeiru ba Governu Unidade Nasionál pro-demokrasia Myanmar nian, iha Palásiu Prezidensiál Nicolau Lobato. Sorumutu ne'e ho objetivu atu hametin ligasaun entre nasaun rua ne'e.

#### [Prezidente Hasoru Koordenadora Rezidénsia ONU Nian Antes Simeira ONU Nian Ba Futuru](#)

Palásiu Prezidensiál Nicolau Lobato, 18 Juñu 2024. Prezidente J. Ramos-Horta hasoru malu ho Koordenadora Rezidente Nasoins Unidas nian ba Timor-Leste, Funmi Balogun, iha Palásiu Prezidensiál iha tersa-feira ne'e. Diskusaun sira-ne'e ko'alia kona-ba Simeira ONU nian ba Futuru ne'ebé sei hala'o iha fulan-setembru iha sidade Novaiorke.

#### [Xefe Estadu Hasoru Embaixadór Naun Residente India Nian Mai Timor-Leste, Selebra Hamutuk Loron Internasional Ioga](#)

Palásiu Prezidensiál Nicolau Lobato, 18 Juñu 2024. Xefe Estadu J. Ramos-Horta hala'o sorumutu ho Embaixadór Naun-Residente India iha Timor-Leste, Sandeep Chakravorty, iha tersa-feira. Diskusaun ne'e foka liu ba relasaun bilaterál entre nasaun rua ne'e aproveita selebra Loron Internasionál Yoga.

#### [Embaixadora Kuba Grisel Alina Aldama Inness Visita Prezidente Ramos-Horta](#)

Palásiu Prezidensiál Nicolau Lobato, 19 Juñu 2024. Prezidente J. Ramos-Horta simu Embaixadora Kuba ba Timor-Leste, Grisel Alina Aldama Inness, iha Palásiu Prezidensiál Nicolau Lobato. Vizita ida ne'e fô oportunidade hodi halo revizaun kona-ba kooperasaun bilaterál entre nasaun rua, hodi foku iha área sira ne'ebé Kuba fô apoiu maka'as, partikularmente iha área saúde nian. Sira diskute mós oinsá atu buka dalan hodi hadi'a no aumenta koperasaun ida ne'e ba área foun.

#### [Prezidente Hetan Atualizasaun Kona-Ba PM Nia Viajen ba Europa, Re-Afirma Adesaun ba ASEAN no Prioridade Ekonómika](#)

Palásiu Prezidensiál Nicolau Lobato, 20 Juñu 2024. Prezidente J. Ramos-Horta ohin hala'o sorumutu semanal regulár ho Primeiru-Ministru, Kay Rala Xanana Gusmão, ne'ebé fô-atualizasaun Prezidente kona-ba nia viajen foin lalais ne'e ba Jenebra no Zurike. Sorumutu ne'e inklui mós fô parabéns ba Primeiru-Ministru nian tinan husi Prezidente no funsionáriu sira hotu iha Prezidénsia Repúblika.

#### [Prezidente Ramos-Horta Hasoru Malu Ho Embaixadór ASEAN Sira Husi EUA, Japaun no Repúblika Korea](#)

Palásiu Prezidensiál Nicolau Lobato, 20 Juñu 2024. Prezidente J. Ramos-Horta simu Embaixadór Yohannes Abraham husi Misaun EUA ba ASEAN, Embaixadór KIYA Makahiko husi Japaun ba ASEAN, no Embaixadór Lee Jang-Keun husi Repúblika Korea ba ASEAN iha Palásiu Prezidensiál Nicolau Lobato.

#### [Prezidente Ramos-Horta Hasoru Diretór Ezekutivu TradeInvest Hodi Diskute Progresu Investimentu Iha Timor-Leste](#)

Palásiu Prezidensiál Nicolau Lobato, 21 Juñu 2024. Prezidente J. Ramos-Horta foin hasoru malu ho Arcanjo da Silva, Diretór Ezekutivu TradeInvest Timor-Leste, no nia Diretór Relasaun Esterna, Roberto da Costa hodi simu atualizasaun kona-ba investimentu setór privadu iha Timor-Leste. Sorumutu ne'e subliña Prezidente Ramos-Horta nia kompromisu atu avansa investimentu nasional no internasionál iha nasaun ne'e.

#### [Prezidente Ramos-Horta Promove Turizmu no Dezentvolvimentu Infraestrutura iha Vizita ba Ermera](#)

Ermera, 24 Juñu 2024. Prezidente J. Ramos-Horta foin lalais ne'e vizita Munisipiu Ermera, envolve ho comunidade lokál sira no ko'alia liu kona-ba prioridade dezenvolvimentu prinsipál sira. Prezidente ninia viajen inklui para iha Suku Lauana, Postu Administrativu Letefoho no Mota-Bandeira iha Postu Administrativu Atsabe.

### [Prezidente Ramos-Horta Inaugura Sentru Saúde no Uma ba Pesoál Médiku](#)

Bobonaro, 25 Juñu 2024. rezidente J. Ramos-Horta foin lalais ne'e vizita Munisipiu Ermera no Bobonaro, hodi inaugura sentru saúde foun ida no uma ba pesoál saúde sira iha Suku Kolimau. Fasilidade hirak-ne'e harii ho objetivu atu hadi'a asesu ba saúde no kondisaun moris ba pesoál médiku sira iha área rurál.

### [Prezidente Ramos-Horta Inaugura Uma Ba Familia Kbi'it Laek Ida Iha Hauba](#)

Bobonaro, 25 Juñu 2024. Prezidente J. Ramos-Horta kontinua vizita Suku Hauba iha Postu Administrativu Bobonaro, hodi inaugura uma foun ida ba família ida-ne'ebé laiha kbiit. Inisiativa ida ne'ebé hala'o husi Unidade Servisu Sosiedade Sivil no Asuntu Sosiál iha Prezidénsia Repúblika, sai hanesan parte ida husi agenda Prezidente nian atu hadi'a kondisaun moris ba sidadaun vulneravel sira iha área rurál sira.

### [Prezidente Ramos-Horta Promove Turizmu no Dezenvolvimentu Rurál](#)

Bobonaro, 26 Juñu 2024. Prezidente J. Ramos-Horta kontinua nia viajen ba Munisipiu Bobonaro, deskansa kalan iha akampamentu iha fatin turístiku Bee Manas Marobo iha Suku Marobo. Vizita ne'e hamutuk ho apoiu umanitáriu sira hodi distribui nesesidade bázika ba comunidade vulneravel sira no aproveita promove Timor-Leste nia atrasaun naturál sira ba turizmu.

### [Xefe Estadu no Xefe Governu Diskute Preparasaun ba Tinan 25 Loron Referendum 1999](#)

Palásiu Prezidensiál Nicolau Lobato, 27 Juñu 2024. Sorumutuk semanál entre Prezidente Repúblika, J. Ramos-Horta ho Primeiru-Ministru, Kay Rala Xanana Gusmão hodi ko'alia kona-bá servisu governu liu-liu preparasaun sira ba selebrasaun tinan 25, referendum iha fulan-agostu ne'e ho prezensa husi Sekretáriu Jerál ONU, António Guterres no bainaka importante sira seluk.

### [Uniaun Istóriu no Hametin Relasaun: Prezidente J. Ramos-Horta Fó Benvindu Delegasaun Tailandia](#)

Dili, 27 Juñu 2024. Prezidente Repúblika Timor-Leste no Lauriadu Nobel ba Pás J. Ramos-Horta simu ho laran-haksolok Senadór no Prezidente Grupu Amizade Parlamentar Tailandia no Timor-Leste nian, Hon. Jeneral Boonsrang Niumpradit ho delegasaun sira, iha Palásiu Prezidensiál Nicolau Lobato. Vizita ida-ne'e iha importánsia espesiál tanba Jeneral Niumpradit sai nu'udar Komandante UNTAET nian husi tinan 2000-2001, ne'ebé hala'o papél importante iha ita-nia nasaun nia tempu inisiu independénsia nian. Nia fila-fali hodi reprezenta relasaun di'ak entre ita-nia rai.

### [Prezidente Repúblika Konfirma Asuntu Agrikultura ba Assanami no Marcos](#)

Palásiu Prezidensiál Nicolau Lobato, 28 Juñu 2024.. Prezidente Repúblika, J. Ramos-Horta, kofirma servisu governu liu-liu setór ekonomia liga ho agrikultura ba II Vise-Primeiru-Ministru no Ministru ba Dezenvolvimentu Rurál no Habitasaun Komunitáriu, Mariano Assanami Sabino no Ministru Agrikultura, Pekuária, Peska, no Floresta, Marcos da Cruz, iha sesta ne'e.

### [Prezidente Ramos-Horta Lansa Série Vídeu "Proteina Loron-Loron" Hodi Kombate Malnutrisaun Iha Timor-Leste](#)

Palásiu Prezidensiál Nicolau Lobato, 28 Juñu 2024. Prezidente J. Ramos-Horta lansa série vídeu "Proteina Loron-Loron" iha Jardim Palásiu Prezidensiál Dili iha loron 28 fulan-juñu tinan 2024. Programa te'in inovativu ida-ne'e, ne'ebé hala'o husi Plan International Timor-Leste no hetan apoiu husi Governu Australia, ho objetivu atu kombate malnutrisaun iha Timor-Leste, ne'ebé afeta 46% husi labarik sira.

**REMATA**

---